

重刊道藏輯要

元始無量度人上品妙經卷之五十六

濟度死魂品

道言昔於紫暉玄濟天中綠景虛明大慈靈土受元始度人濟
度死魂無量上品元始天尊當說是經周迴十過以召十方始
當詣座天真大神上聖高尊北酆大帝九幽拔罪天尊金闕濟
度天尊太一救苦天尊大慈大悲救苦真人大惠真人無鞅數
眾乘空而來碧耀流輝華雲映彩龍輶鳳駕寶蓋靈旛彌漫羅
列香藹氤氲日月停景洞朗太元九日九夜諸天瓊樓玉闕雲
殿霞房一時同明下極崑崙三山十洲四海九河泉曲之阿酆

道藏輯要

度人妙經

一 亢集五

都寒庭長夜之關悉被神光普獲開煥萬象澄清十天昭廓一
國地土山川林木緬平一等無復高下地成紺碧無有異色眾
真侍座元始天尊立坐空浮瓊光洞陽寶牀之上說經一遍諸
天大聖同時稱善是時天地山嶽鐵城大獄自然齊啓咸釋罪
爽來聽法音說經二遍鑊湯聲震忽變清涼水吐青蓮異氣芬
馥萬刃刀山悉爲寶樹杻械銷鎔骨骸生復還得成人俱承道
蔭說經三遍仙聖讚揚靈瑞咸臻說經四遍一切人民悟解法
要說經五遍昆蟲善慧省識罪原說經六遍虎狼毒蝮滅斷惡
根說經七遍冤和解釋異骨成親說經八遍鬼道塞絕永保生
津說經九遍幽沈滯魄鍊化昇遷說經十遍道德純一俱登妙

真是時一國有情有識莫不傾心皆受護度咸得長生

道言是時元始天尊說經一遍東方無極無量品考較濟度大神無鞅之眾浮空而至說經二遍南方無極無量品司察濟度大神無鞅之眾浮空而至說經三遍西方無極無量品司禁濟度大神無鞅之眾浮空而至說經四遍北方無極無量品司化濟度大神無鞅之眾浮空而至說經五遍東北無極無量品典獄濟度大神無鞅之眾浮空而至說經六遍東南無極無量品九幽濟度大神無鞅之眾浮空而至說經七遍西南無極無量品泉曲濟度大神無鞅之眾浮空而至說經八遍西北無極無量品羅酆濟度大神無鞅之眾浮空而至說經九遍上方無極道藏輯要

度人妙經

二

九集五
六百文

無量品超生濟度大神無鞅之眾浮空而至說經十遍下方無極無量品昇化濟度大神無鞅之眾浮空而至十遍周竟十方無極天真濟度大神一時同至一國男女傾心歸仰來者萬億並駕同驅靈光散彩華霧彌空八部六天三官九署威光召致異趣苦魂無鞅之眾迨國一半土皆偏陷非可禁止於是元始洞觀遐邇哀念眾生手執寶契出妙光光及十方一切聽法天仙聖眾自見身相有如瑠璃內映濯羅鬼神魂爽各於其類中得圓滿心體清淨業火消除仙花時飛大震瓊音宣明法要爾等眾生造諸罪惡累彼死魂飄蕩無依散入諸趣備經輪轉莫測道緣今以九陽神霄大梵之氣化十二靈文濟度死魂超

昇天境始從亡歿以鍊屍形屍神守骸滯爽超昇仙聖合德還
自成人出離三塗往度八難大眾欣躍仰俟恩光於是元始引
眄惻然鑪炷寶香上結密雲化爲玉闕去地九丈內垂天虹熒
煌五色接待大眾俱入其中元始申命拔罪天尊羅酆帝宰救
苦真人無鞅數眾同升化闕藥華紫玉靈妙之臺天人仰看惟
見勃勃影現萬殊既入玉闕不知所在國人廓散地還平正無
復歆陷元始卽於紫臺之上說經都竟眾真監度以授於我當
此之時喜慶難言法事粗悉諸天復位倏歛之間寂無遺響是
時天人遇值經法普得濟度全其道真無有沈淪傾土歸仰咸
行善心不愆不犯不忿不爭不迷不忘不愛不著不擾不驚言

道藏輯要

度人妙經

三

九集五

必真正口無惡聲齊恩慈愛道化合并存亡安泰度樂生榮經
始出教幽顯協德預有至心宗奉禮敬皆得度世

道言元始天尊說經中所言並是諸天上帝內名隱韻之音亦
是真王內諱百靈濟度之隱名也非世之常辭上聖已成真人
通玄究微能悉其章誦之十過諸天遙唱萬帝設禮沈逝死魂
證升仙品緣愛積習皆獲脫捨羣魔敬衛蕩化鬼精至學之士
誦之十過則四司釋訟九獄除冤回屍起死白骨返形普受濟
度以得生成所以爾者學士誦誦寶章招真召靈妙氣來臻道
生神德故可下濟死亡卽獲超度而已莫不昇遷輕誦此章身
則被殃供養尊禮門戶興隆世世昌熾與善因緣萬災不干神

明護門斯經尊妙獨步玉京度人無量爲萬道之宗巍巍大範
德難可勝

道言凡誦是經十過諸天齊到酆都六洞鬼帝官君寒庭泉曲
幽夜之河泰山地壘主宰神靈簡奏上功超拔罪魂億曾萬祖
幽沈苦爽皆卽受度上昇朱宮格皆九年受化更生得爲貴人
而好學至經功滿德就皆得神仙飛昇金闕遊宴玉京也上學
之士修誦是經皆卽受度飛昇南宮世人受誦開度九玄出離
地獄生福天堂延慶後昆永無身殃此經微妙普度無窮一切
天人莫不受慶無量之福生死蒙惠上天所寶不傳下世至士
齋金寶效心盟天而傳輕泄漏慢殃及九祖長役陰官侍經五
道藏輯要

度人妙經

四

元集五

帝玉童玉女各二十四人營衛神文保護受經者身

道言正月長齋誦詠是經濟度死魂解釋天官罪考之愆五方
大殺屍劫之鬼威毒咸自開貸死魂獲度南宮逍遙自然七月
長齋誦詠是經濟度死魂解釋地官罪考之愆五嶽四司北都
羅酆曠野山澤社令城隍應關囚對禍害滅連黑簿削除白簡
上生十月長齋誦詠是經濟度死魂解釋水官罪考之愆北海
河侯河伯冥冷四瀆主宰當令幽苦撻汲冥魂役難散除度越
生門八節之日誦詠是經濟度死魂解釋罪考八方大獄八洞
鬼牢悉承道化永變福庭迷識開悟咸登妙津得生世間智用
高明務勤上學克致成真三元之日誦詠是經濟度死魂各遂

其情鍊度南宮返生受靈魂神澄正萬氣長存不經苦惱身有
光明三界侍衛五帝司迎萬神朝禮名書上天功滿德就飛昇
上清

道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐青黃白三
色雲氣之中內外翦冥有青龍白虎朱雀玄武獅子白鶴羅
列左右日月照明洞煥室內項生圓象光映十方如此分明
密咒曰

無上玄元太上道君召出臣身中三五功曹左右官使者侍香
玉童傳言玉女五帝直符直日香官各三十二人關啟所言今
道藏輯要

度人妙經

五

九集五
川集文

日吉慶長齋清堂修行至經無量度人願所啟上徹徑御

無上三十二天元始上帝至尊几前畢

引炁三十二過東向誦經

元始無量度人上品妙經

元始洞玄靈寶本章濟度死魂十迴度人元皇上錄鍊度自然
九宮妙範青華帝靈至神開運合會玄關制命造化長養生根
上布玄功無所不周五氣承德結絡形軀萬神羅列帝一居尊
二十四宮八景個環混洞天闕辟非藏烟明梁開道塞絕死門
斬伐胞樹超度億會解釋罪考朱陵鍊魂太一定命南昌衛形
無量濟度長生大君破滅罪府司馬大神超拔滯爽韓君丈人
司命司錄除削冤愆拔罪天尊度厄尊神迴骸起死無量度人
今日校錄萬聖臨軒

東方無極保命神王長生大聖無量度人

道藏輯要

度人妙經

六

亢集五
卅七

南方無極保化神王長生大聖無量度人

西方無極散禍神王長生大聖無量度人

北方無極度厄神王長生大聖無量度人

東北無極救苦神王長生大聖無量度人

東南無極衛生神王長生大聖無量度人

西南無極拔罪神王長生大聖無量度人

西北無極度魂神王長生大聖無量度人

上方無極超化神王長生大聖無量度人

下方無極自在神王長生大聖無量度人

十方至真濟度死魂神王長生度世無量大神並乘八色祥雲

九華翠輦龍鳳駟駕材蓋騰軒建度魂定命之節召神靈幡前
嘯玉童齊唱後吹簫籟同鳴獅子白鶴嘯歌嚕嚕四明啓途神
官翼轅億乘萬騎浮空而來傾光迴駕監魂度生南昌丞相天
機上宰韓司主錄監生大神執錄把籍齊到帝前隨所應度嚴
校諸天普告三界無極神鄉泉曲之府北都羅酆三官九府十
二河源上解祖考億劫種親疾除罪簿落滅惡根不得拘留逼
合鬼羣元始符命時刻昇遷北都寒池部衛形魂制魔保舉度
品南宮死魂受鍊仙化成人身受度劫劫長存隨劫輪轉與
天齊年永度三塗五苦八難超凌三界逍遙上清上清之天天
帝洞真無色之境梵行

道藏輯要

度人妙經

七

元集五

東方八天

濟魂逸慶天

帝扈迪狂

曜澤證玄天

帝梵聿斯平

流剛昇陽天

帝振祖流光

梵氣舉神天

帝尸真化魂

蕭臺校錄天

帝拔苦尊

祖猷微緒天

帝道玄巨英

麗慈變生天

帝敷承庸光

道用超神天

帝伯常妙冲

南方八天

紫暉洞明天

帝覺善自伸

玉宸慈化天

帝退坂青輿

正宗玄露天

帝定意須光

初嬰育靈天

帝判載司強

佐無肇宗天

帝嚇陳元防

鵲史利真天

帝侯進斗光

冥超生魂天

帝妙智仙

祖靈增變天

帝勞提丙顓

西方八天

蟬棟益司天

帝常容真

道藏輯要

度人妙經

八

九集五
一文上

聚成超衢天

帝儀慈壽均

璣觀紫虛天

帝韓承詔言

溢靈慶彰天

帝蹈方滋萃

朱霞湛至天

帝海敷總陽

黨峻悅疆天

帝孟勤禮冥

度生昇魂天

帝招雲鍊玄

魁符考嶽天

帝覺上生

北方八天

玉頤淨觀天

帝柳昂順玄

機牛亢化天

帝耀洞觀周

育乾次甯天

帝顯道離田

昭本神華天

帝絕憇斯仁

玄龍輿墟天

帝太完子賢

仙斗迎祺天

帝昭迪用寥

朝瑞玉幘天

帝伯緒遠

康庸濟魂天

帝常元隱公

三十二天三十二帝諸天隱諱諸天隱名天中空洞自然靈章
諸天隱韻開度之音開度之尊鍊化之神天中大魔王清之靈
混合變化而成上真無量之奧深不可詳敷落神篇濟度窮魂
今日欣慶受度歷關諸天請滅三惡斬絕地根飛度五陰名昇
道藏輯要

度人妙經

九

九集五

太清真王監舉無拘天門東斗受性西斗結形北斗保命南斗
超昇中斗大魁總御生成青帝通真白帝衛靈赤帝運化黑帝
結神黃帝養育萬善咸臻九竅四體悉獲生全青天魔王巴元
醜伯赤天魔王負天擔石白天魔王反山六目黑天魔王監醜
朗馥黃天魔王橫天擔力五帝大魔王神之宗飛行鼓從總統
神兵麾幢震節八道揚威遊觀天地開度死魂自號赫奕功用
無窮啓運生津嚴攝北酆靈真受命普掃不祥神龍吐毒驎騎
騰驤天吏持麾蕩化不祥擲火萬里流鈴八衝敢有干試拒遏
上真金鉞前戮巨戈後刑制令鬼爽咸得昇遷冤愆和會盡獲
釋形魔無干犯鬼無祆精三官北酆明檢鬼營不得容隱金馬

驛程普告無窮萬神咸聽三界五帝列言上清

洞虛妙化海嶽河源中有冥關幽閉罪魂冥冥眇眇億劫長昏
上無天光下無所安風刀亂施哀聲塞空惟有元皇太一之尊
普施慈惠神力自然拔除罪苦敷落靈篇赤書玉字無上真文
超度魂爽使入生門梵氣彌羅萬形開張元綱流演三十二天
輪轉無色周迴十方普被玄恩皆得升遷八景和合氣入高玄
玄中太皇上帝高真泛景太霄嘯詠洞章金真明郁流響雲營
玉音攝氣靈風聚魂紫虛鬱秀輔翼萬仙千和萬合自然成真
真中有神長生大君無英公子白元尊神鍊化生死拔兆屍形
太一司命攝氣還神桃康合延三一帝尊執符把籙保命生根
道藏輯要

度人妙經

十 九集五

上遊上清出入華房八冥之內細微之中下鎮人身泥丸絳宮
中理五氣混合百神十轉回靈萬氣齊仙仙道貴生無量度人
上開八門飛天法輪罪福禁戒宿命因緣普受開度死魂生身
身得受生上聞諸天諸天之上各有生門中有空洞謠歌之章
真王靈篇辭參高真

第一度魂欲界飛空之音

人道易墮

塵心苦神

神勞散逝

杳杳沈魂

魂爽何所覺

忽爾離軀形

形化爲劫灰

魂魄歸無因

默默有舊憶

索索忘其親

舉目無三光

栖栖誰所鄰

鬼官肆酷毒

鞭撻常無停

隊仵如驅羊

渺渺沒冥津

鐵獄常燒然

惡烟起續紛

積骸若邱山

涕泗如河傾

經劫罪業纏

死魂悲酸辛

神霄玉清王

出書度天人

元始靈寶符

超化能生神

第二昇立色界真王之章

絳闕南昌

景耀輝煌

萬神之家

生化之門

中有長生

大帝紫君

碧羽龍衣

飛青紫裙

手執黃籙

靈寶上篇

校功玉軒

昇度死魂

道藏輯要

度人妙經

土

元集五

魂氣受鍊

結植靈根

神真運度

隨陽化升

昇立契妙

水激火焚

炎炎流池

玉虹萬鱗

跨池爲橋

金光橫奔

無上七元

九幽罪魂

銜領符命

超昇化輪

乘雲馭風

與天相傾

第三變化示體無色界真王歌曰

三天上境

元皇妙宮

迴超三界

鬱鬱靈光

中有大神

號曰真王

設化開度

萬道之宗

元始上帝

錫命靈篇

普告下司

罪苦昇遷

破蕩冥暗

普現光明

滅除禍害

永植福根

生死受度

仰承玄恩

冥曹解散

慶會長亨

威化所被

敢有不從

玉符保鍊

晏眊劫年

上無色景

與道同立

碧空圓羅

億劫自然

此三界之上飛空之中眞王歌音音參洞章誦之百遍名度南宮誦之千遍魔王保迎萬遍道備飛昇太空過度三界位登仙公有聞靈音魔王敬形勅制地祇侍衛送迎拔出地戶五苦八

道藏輯要

度人妙經

三

亢集五

難七祖昇遷永離鬼官魂度朱陵受鍊更生是謂無量普度無窮有祕上天文諸天共所崇泄慢墮地獄禍及七祖翁

道言此二章並是諸天上帝及神霄眞王隱祕之音鍊度死魂超登上遷天壽九劫罪愆冤仇俱蒙和釋理極奧妙皆是大梵之言非世上常辭言無韻麗曲無華宛故謂玄奧難可尋詳上天所寶祕於神府青琳寶藏依玄科應運下傳若有至人齋信效盟質心依舊格告盟三天然後而付焉

道言夫天地育形至道生神形爲靈宅神爲元靈神風鼓鍊天與其生生迷道本纏著罪緣疑網癡獄貪念爲愆境物亂心思慮攻神精喪氣謝形軀敗昏五臟內腐七情外奔神宅喪壞神

去離形沈淪幽苦爲業所牽善者生天惡陷酆泉死魂所賴至
道宣慈靈文濟度真符捧持冥官拜首真吏咸依大梵之宗元
真是栖同氣皆當齊心修齋六時行香十遍轉經福德立降魂
升天堂無量之文普度無窮

道言夫末學道淺或仙品未充運應滅度身經太陰臨過之時
同學至人爲其行香誦經十過以度屍形如法魂神徑上南宮
隨其學功計日而得更生轉輪不惑便得神仙

道言夫至學之士修誦上清三洞寶文專持戒錄幽栖山澤清
虛忘世或積德行陰功及物父母師長去世之日欲濟度死魂
使超登洞臺列名仙階者當以五香鍊湯沐浴屍魂以青繒朱

道藏輯要

度人妙經

三

九集五

書元始靈文一十二符布著玄宮之內一形上下謂以臥符枕
上符面上符兩手符兩足履中符安心前符柳四面符凡十二
道焚香北向書訖安時咒曰道民王甲生奉仙真運終鍊化形
歸太陰上帝神符赤書玉文濟度死魂速付玉真飛昇天堂刻
簡仙名骨成蘭玉面有金英太一守屍三官衛靈忽然輕舉上
登太清土下大殺屍鬼百精敢干神符亂甲神明天丁把斧斬
汝五形山澤水火風氣至真護完甲屍返生還魂北帝驚咤落
甲死名飛雲玉輿朝謁紫庭急急如律令行符訖更當修齋行
香誦經夫齋戒誦經功德甚重魂爽飛化昌福生形下禳毒害
以度兆民生死受賴其福難勝故曰無量普度天人

道言凡有是經能爲王公侯伯兆民行是功德濟度之日發心
修齋燒香誦經十過皆諸天記名萬神侍衛右別至人尅得爲
聖君金闕之臣諸天記人功過毫分無失天中眞王亦保舉爾
身得道者乃當洞明至言也

諸天中大梵隱語無量音 道君撰

元始靈書度魂中篇

東方八天

英曜斗極 領帝都關 運推息數

水火流根 生道稟玄 聽天自然

解掖蛻謝 魂禧雙羅 圓體用神

道藏輯要

度人妙經

西

九集五

曲阿明伸 愁眞普玉 慶雲門臻

梵遷靈易 魂度八極 素華應歷

符行昂畢

南方八天

鍊眸玉庭 籍檢女侯 勘蹟有爽

度昇昌都 機保作塵 赴謨皇猷

辜原升府 名曹奏智 璽選宰童

魔化悉既 玄應大察 冥拘寒池

爍流瓊傳 變合谷養 救釋靈幹

柏庸被經

西方八天

蹄陽隔櫟

卷烈飛野

黥截鬼筵

由庭軒庚

符傳龍殿

悔昔平涓

生合神廬

兆互成人

穴液聚纏

果溶圍身

略靖司化

巡祇輔眞

陷錮兵旄

井席相均

演由欽觀

滔輪鼓駟

北方八天

棄蚓乞魚

勿頻懶蘇

詔逸靜王

慈并比圖

虐古韓鎖

婁移舌昧

度人妙經

圭

亢集五

道藏輯要

罽詛委奪

默元衙沄

綽辨鄙齊

淵古靈回

猖无慶育

勅珞資俞

强奎翳斗

龍呼吳求

左將魁酉

變生遊嘉

道言此諸天中大梵隱語無量之音舊文書玄天北靈玉闕之上以正北山酆泉鬼獄禁制九都大鬼濟度死魂生化福鄉神智逍遙字皆廣長一丈天真皇人昔書其文以爲正音有知其音能齋而誦之者諸天皆遣察錄神王下觀其身書其功勤上奏諸天萬神朝禮地祇侍門大勳眞王保舉洞玄道備尅得遊行三界昇入金門此音無所不辟無所不禳無所不度無所不

成天真自然之音也故誦之致神王下觀上帝遙唱萬神朝禮
三界侍軒羣袂束首鬼精自亡琳琅振響十方肅清河海靜默
山嶽吞烟萬靈振伏招集群仙天無氛穢地無祆塵冥慧洞清
大量玄玄也

道藏輯要

度人妙經

六

元集五
外